


**2.4. ҮНЭТ ЦААСЫГ ЗАХ ЗЭЭЛД БАЙРШУУЛАХ ГРАФИК:**



*Зураг 7 Анхдагч зах зээлд байршуулах график*

Компанийн 2011/03/31 өдрийн ХНХ-ын №03 тоот тогтоолоор үүсгэн байгуулагч хувьцаа эзэмшигчид нь тэргүүн ээлжинд худалдан авах эрхээ хэрэгжүүлэхгүй бөгөөд шинээр гаргаж буй хувьцааг 100% олон нийтэд санал болгоно.


Нийт хувьцааны 16,67% буюу 7,700,000 ширхэг хувьцааг Монголын хөрөнгийн биржийн үнэт цаасны арилжаагаар дамжуулан олон нийтэд санал болгох ба 83,33%-ийг “Нийтэд санал болгон худалдах үнэт цаасыг бүртгэх, үнэт цаасыг анхдагч зах зээл дээр санал болгох, худалдах тухай журам”-ын 4.29.1-д заасны дагуу компанийн үүсгэн байгуулагчид дараах байдлаар хөрвүүлэн эзэмшинэ.

**Хаалттай компанийн хувь нийлүүлэгчдийн хөрвүүлэн эзэмших хувьцааны ширхэг:**

№	Хувьцаа эзэмшигч	Тоо ширхэг	Эзэмших хувь %/
1	“Э-Транс” ХХК	23,100,000	50.00%
2	Би Ди Пи И Эф ХХК	1,500,000	3.25%
3	Х.Батхишиг	700,000	1.52%
4	Монголиан транспортэйшн холдинг ХХК	13,200,000	28.57%
<b>Нийт хөрвүүлэн эзэмших хувь</b>		<b>38,500,000</b>	<b>83.33%</b>
5	Олон нийтэд санал болгох	7,700,000	16.67%
<b>Нийт</b>		<b>46,200,000</b>	<b>100.00%</b>

*Хүснэгт 14 Хувь нийлүүлэгчдийн хөрвүүлэн эзэмших хувьцааны ширхэг*

Хувьцааг захиалгын бүртгэлийн аргаар олон нийтэд санал болгоно. Компанийн ТУЗ-ийн 2011/04/19 өдрийн №04 тоот тогтоолоор олон нийтэд санал болгох хувьцааны доод үнийг 120 төгрөгөөр тогтоосон.



## 2.5. ЗАХИАЛГЫН БҮРТГЭЛИЙН АРГААР АНХДАГЧ ЗАХ ЗЭЭЛД БАЙРШУУЛАХ ТУХАЙ

Үнэт цаасны анхдагч зах зээлийн арилжаа нь Санхүүгийн зохицуулах хорооны "Нийтэд санал болгон худалдах үнэт цаасыг бүртгэх, үнэт цаасыг анхдагч зах зээлд дээр санал болгох, худалдах тухай журам"-ын 4.6.3, 4.12-4.20-т болон, Монголын хөрөнгийн биржийн "Үнэт цаасны анхдагч зах зээлийн арилжааны журам"-ын 5-р зүйлд заасны дагуу явагдана.

### Үнэт цаасыг олон нийтэд санал болгох хугацаа


1. Үнэт цаас гаргагч болон Андеррайтер нь МХБ болон ҮЦТТТХТ-тэй тохиролцон захиалгын бүртгэл эхлэх, дуусах хугацааг тогтооно.
2. Захиалгын бүртгэл эхлэхээс ажлын 5-аас доошгүй хоногийн өмнө брокер дилерийн компаниудад хүргүүлж, олон нийтэд хэвлэл мэдээллийн хэрэгслээр нийт 10-аас доошгүй удаа зарлана.
3. Үнэт цаасыг нийтэд 6-аас доошгүй хоног танилцуулсны дараа анхдагч зах зээлийн захиалгыг авч эхлэх бөгөөд 1 сараас илүүгүй хугацаанд авна.

### Үнэт цаасыг олон нийтэд санал болгох, байршуулах үнэ

1. Үнэт цаасыг олон нийтэд санал болгох доод үнийг 120 төгрөгөөр тогтоосон.
2. Үнэт цаасыг анхдагч зах зээлд байршуулах үнийг андеррайтер, үнэт цаас гаргагч нар хамтран тогтооно. Уг үнийг тогтоохдоо тухайн үнэт цаасыг худалдан авахаар ирүүлсэн нийт захиалгын жигнэсэн дундаж үнэ, үнэт цаасны борлуулалтаас олохоор төлөвлөсөн хөрөнгийг бүрэн бүрдүүлэх боложит үнэ, аль болох олон этгээдийн захиалгыг биелүүлэх боломжит үнэ зэргийг харгалзана.

### Үнэт цаас худалдан авах захиалга

1. Захиалгыг брокер дилерын компаниар дамжуулан худалдан авах бөгөөд хүлээн авсан захиалгыг өдөр бүр МХБ-ээс тогтоосон цагт МХБ-ийн үнэт цаасны ердийн арилжааны захиалгыг арилжааны програмд бүртгэн авдагтай нэгэн адилаар бүртгэнэ.
2. Үнэт цаас худалдан авагч нь захиалгыг бүртгэх хугацаанд тодорхой үнээр, тодорхой тооны үнэт цаас худалдан авах захиалга өгнө.
3. Мөн тодорхой үнэ, тоо заалгүй худалдан авах нийт үнийг дүнг заасан захиалгыг өгч болно. Уг захиалгыг биелүүлэхдээ анхдагч зах зээлд байршуулахаар тогтсон үнээр нийт үнийн дүнд тохирсон үнэт цаасыг байршуулна.
4. Бүртгэгдсэн захиалгыг баталгаажуулах зорилгоор захиалга өгөхдөө барьцаа хөрөнгийг /Захиалгын үнийн дүнгийн 30-аас доошгүй хувиар/ ҮЦТТТХТ дахь дансандаа байршуулах бөгөөд захиалга хаахаас 24 цагийн өмнө захиалга хэрэгжүүлэхэд шаардагдах хөрөнгийг бүрэн байршуулсан байна.
5. Захиалсан үнэт цаасны төлбөрт зориулсан барьцаа хөрөнгийг арилжаа хийгдэх хүртэл тусгаарлах арга хэмжээ авна.





## 2.5 ЗАХИАЛГЫН БҮРТГЭЛИЙН АРГААР АНХДАГЧ ЗАХ ЗЭЭЛД БАЙРШУУЛАХ ТУХАЙ

6. Захиалгын маягыг бүрэн бөглөж, худалдан авах үнэт цаасны төлбөрийг ҮЦТТХТ-ийн дансанд байршуулсан бөгөөд МХБ-ийн бүртгэлд орсон захиалгыг хүчин төгөлдөр гэж тооцно.

### Үнэт цаасны хуваарилалт

1. Үнэт цаасны захиалга авах хугацаа дууссанаас хойш ажлын 3 хоногт багтаан үнэт цаасны худалдах үнийг тогтоож биелэх боломжтой биелэх боломжтой захиалга тус бүрээр үнэт цаасны хуваарилалтыг хийнэ. Энэ үед захиалга өгсөн этгээдийн дансанд үнэт цаасыг байршуулахгүй бөгөөд урьдчилсан байдлаар тухайн захиалагчид ногдох хувьцааны тоо ширхэгийг тогтооно.
2. Үнийг тогтоосны дараа тогтоосон үнэ болон түүнээс дээгүүр үнээр захиалга өгсөн этгээдэд цаг хугацааны дарааллаас үл хамаарч<sup>1</sup> захиалсан хувьцааны тоонд хувь тэнцүүлэн хуваарилана.
3. Захиалгын үнэ давхардсан тохиолдолд цаг хугацааны дэс дараалалыг харгалзан захиалга биелэгдэнэ.
4. Хуваарилагдаагүй үлдсэн хувьцааг зарласан боловч эргэлтэнд гаргаагүй хувьцаа гэж тооцон бүртгэнэ.
5. Үнэт цаасны анхдагч зах зээлийн арилжаа дуусах хүртэл хугацаанд борлуулалтын орлогыг үнэт цаас гаргагчид шилжүүлэхгүй төвлөрсөн хадгаламжинд хадгална.
6. Үнэт цаас гаргагчаас үнэт цаасыг олон нийтэд амжилттай санал болгон шаардлагатай санхүүжилтийг босгосны дараагаар МХБ-ийн журмын дагуу үнэт цаасны хоёрдогч зах зээлийн арилжааг эхлүүлэх ба энэ үед хувьцаа худалдан авсан хөрөнгө оруулагчид хувьцаагаа зарж борлуулах эрх нээлттэй болно.

## 2.6. ХУВЬЦААНЫ ЭРГЭЛТИЙГ ТҮГЖИХ БУЮУ ХУВЬЦАА ТУСГААРЛАХ /LOCK UP/

Санхүүгийн Зохицуулах Хорооны 2012/01/18-ны өдрийн №26 тоот тогтоолын дагуу компанийн одоогийн хувьцаа эзэмшигчдийн эзэмшиж буй хувьцааг үнэт цаасны анхдагч зах зээлийн арилжааг амжилттай дууссан гэж үзсэн өдрөөс эхлэн 18 сарын хугацаанд тусгаарлана.

<sup>1</sup> Энэхүү хугацааг захиалга авахаар нийтэд зарласан хугацааны дотор ирсэн захиалгын цаг хугацааны цаг хугацааны дарааллаас үл хамаарахаар ойлгоно.



**СЭХ**  
 2022 оны 01 сарын 18 өдөр  
**БҮРТГЭВ**  
 № 01

Үнэт цаасны танилцуулга

"Э-Транс Логистикс" ХК

	1 дахь долоо хоног					2 дахь долоо хоног				
	1	2	3	4	5	1	2	3	4	5
<b>СЭХ-ны тогтоол, МХБ-ын бүртгэл</b>	СЭХ-ны тогтоол гарснаар нийтэд санал болгох нөхцөл бүрдэх									
<b>Үнэт цаасыг олон нийтэд танилцуулах</b>	Олон нийтийн хэвлэл, мэдээллийн хэрэгсэл, брокерын компаниудын цахим хуудас, и-мэйл зэргээр танилцуулга хийх									
<b>Захиалга авах, хаах</b>	БДК-иудаар дамжуулан ажлын 2 өдрийн хугацаанд захиалга бүртгэх ба захиалгыг сүүлийн ажлын өдрийн арилжааны цаг дуусахад хаана.									
<b>Захиалга дүгнэх, үнэ тогтоох</b>	Нийт захиалгыг хүлээн авч, анхдагч зах зээлд худалдах, үнийг зах зээлийн эрэлтэнд тулгуурлан тогтооно.									
<b>Арилжаалах зөвшөөрөл авах</b>	Анхдагч зах зээлийн арилжаа хийх зөвшөөрөл Хорооноос авна.									
<b>Анхдагч зах зээлийн арилжаа</b>	Анхдагч зах зээлийн ажиллагааг зохион байгуулна.									
<b>Тайлан гаргаж СЭХ-нд өгөх</b>						Үнэт цаасны арилжааны тайланг СЭХ-нд өгнө.				
<b>Хоёрдогч зах зээлийн арилжаа</b>						СЭХ-ны зөвшөөрлөөр хоёрдогч зах зээлийн арилжааг эхлүүлнэ.				
<b>ХЭХ болох</b>						ХЭХ хуралдуулах тухай ТУЗ-ын шийдвэр гарах ба ХЭХ зарлах тухай мэдэгдлийг СЭХ, МХБ-д хүргэнэ.				
						Бүртгэх өдрөөс хойш 45-аас доошгүй хоногийн дараа хуралдана				

Хүснэгт 15 Анхдагч зах зээлд байршуулах график



**Үнэт цаасыг хэн худалдан авах вэ?**

Үнэт цаасны анхдагч зах зээлийн арилжаанд ҮЦТТТХТ-д данс нээлгэсэн Монгол улсын болон гадаадын аж ахуй нэгж байгууллага, хувь хүн оролцох эрхтэй.

**Үнэт цаасыг хэрхэн худалдан авах вэ?**

1. Үнэт цаасны арилжаа нь МХБ-ийн үнэт цаасны арилжаагаар явагдах бөгөөд хөрөнгө оруулагчид нь үнэт цаасны арилжаанд оролцохын тулд аль нэг брокерийн компанид үнэт цаасны данс нээлгэсэн<sup>2</sup> байна.
2. Хөрөнгө оруулагч нь арилжаанд оролцохдоо үнэт цаасны худалдан авах үнийн дүн болон шимтгэлд төлөх төлбөрийн нийлбэр дүнтэй тэнцэх мөнгөн хөрөнгийг үнэт цаасны төлбөр тооцооны дансандаа байршуулсан байх шаардлагатай

**Хувьцаа худалдан авах мөнгийг үнэт цаасны дансанд байршуулах**

Хөрөнгө оруулагч нь худалдан авах хувьцааны үнийн дүнтэй тохирсон болон арилжааны шимтгэлийн нийлбэр дүнгээс багагүй хэмжээний мөнгөн хөрөнгийг дансандаа байршуулсан байна.

“ҮЦТТТХТ” ХХК дахь үнэт цаасны дансандаа мөнгийг дотоодын аль ч арилжааны банкнаас шилжүүлэх боломжтой бөгөөд шилжүүлэг хийхдээ тухайн брокерын компанийн код болон үнэт цаасны дансны дугаараас бүрдсэн 12 оронтой тоог ашиглана. Банкны шилжүүлгээр мөнгө байршуулах нь хөрөнгө оруулагчдад аль ч улсаас мөнгө шилжүүлэн хийх боломжийг олгож байгаа юм.


Та банкны маягтын төлбөрийн зориулалт гэсэн хэсэг дээр орон нутгийн хувьцааны мөнгө гэсэн утгыг бичнэ. Жишээг доор харуулав:

ОРЛОГЫН МЭДҮҮЛЭГ/Deposit slip/

Валют/Currency:/ /

Огноо/Date:	Салбар/Branch	Журнал №/Journal N	Э.Тамирын үнэт цаасны дансны дугаар “07-66666” бол 07 гэдэг нь брокерын компанийн дугаар, 66666 нь үнэт цаасны дансны дугаар юм. Орлогын мэдүүлэгт дансны дугаараа бичихдээ 000700066666 гэж 12 оронтой болгон бичнэ.		
5/10/2010	ҮЦТТТХТ				
Дансны дугаар/Account Number:		Валютын код/Currency Code:	Хувьцаа худалдан авах тохиолдолд ХУВЬЦААНЫ МӨНГӨ гэж бичнэ		
000700066666					
Данс эзэмшигчийн нэр/Account holder:		Гуйвуулгын код/Code	Бүгд /Total		
Э.ТАМИР					
Гүйлгээний код/Transaction Code:		Гүйлгээний дүн/Transaction Amount:	100		
		50,000	500		
Гүйлгээний утга/Description:			1000		
Хувьцааны мөнгө			5000		
Гүйлгээний хураамж/Transaction Fee:		Тэмдэглэл/Note:			
<input type="checkbox"/> Данснаас /from account/ <input type="checkbox"/> Бэлнээр /Cash/					

<sup>2</sup> Үнэт цаасны данс нээлгэх талаар дэлгэрэнгүй мэдээллийг брокерийн компаниудаас авна уу.





### **Татвар, шимтгэл**

#### Арилжааны шимтгэл

Хөрөнгө оруулагч үнэт цаасны арилжаанд ороход нийт гүйлгээний үнийн дүнгийн тодорхой хувиар шимтгэл төлөх ба тус шимтгэл нь Та өөрийн брокерийн компанид данс нээлгэхдээ тогтоосон хувь байна.

#### Ногдол ашгийн татвар

"Хувь хүний орлогын албан татварын тухай" хуулийн 30.2 дугаар зүйл "энэ хуулийн 13.1.3, 13.1.4-т заасан орлогод 2013/01/01-ний өдрөөс эхлэн албан татвар ногдуулна" гэж заасан ба 13.1.3 "ногдол ашгийн орлого" ба 13.1.4 "хүүгийн орлого" гэж тодорхойлжээ.

*Иймд иргэн, хувь хүн ногдол ашгийн орлогод 2013 он хүртэл татвар төлөхгүй.*

"Аж ахуйн нэгжийн орлогын албан татварын тухай" хуулийн 16.3 "Дараахь орлогод албан татвар ногдуулах орлогыг тодорхойлохдоо албан татвар ногдуулах тухайн орлого тус бүрийн нийт дүнгээр тооцно", 16.3.1 "ногдол ашгийн орлого", 17.2 "Албан татвар төлөгчийн дараахь орлогод дор дурдсан хувиар албан татвар ногдуулна", 17.2.1 "ногдол ашгийн орлогод 10 хувиар" гэж заагдсан.

*Иймд ногдол ашгийн орлого олсон байгууллага нь аж ахуйн нэгжийн орлогын албан татварын тайлангаар ногдол ашгийн орлогоосоо 10 хувиар татвар ногдуулж төлнө.*

#### Борлуулалтын орлогоос олсон ашгаас татвар төлөх:

Хувьцаа борлуулсан тохиолдолд албан татвар төлөх орлогыг тодорхойлохдоо худалдсан үнээс худалдан авсан үнийг хасч худалдах болон худалдан авахад төлсөн шимтгэлийг хасч тодорхойлно.

*Хувь хүн аж ахуйн нэгж нь дээрх дүнгээс 10 хувиар тооцон орлогын албан татвар төлнө.*

#### **Валютын ханш**

МХБ-ийн арилжаа нь Монгол Улсын үндэсний мөнгөн тэмдэгт болох төгрөгөөр (MNT) хийгдэнэ. Ханшийг тухайн өдрийн зах зээлийн ханшаар тооцно.

Арилжааны банкууд төгрөгтэй харьцах гадаад валютын ханшийг өдөр бүр шинэчлэн тогтоож олон нийтэд зарладаг. Монгол Улсын томоохон арилжааны банкуудын ханшийн мэдээлэл авах цахим хаягууд:

Голомт банк: [www.golomtbank.com](http://www.golomtbank.com)

Хаан банк: [www.khanbank.com](http://www.khanbank.com)

Төрийн банк: [www.statebank.mn](http://www.statebank.mn)

Худалдаа хөгжлийн банк: [www.tdbm.mn](http://www.tdbm.mn)

Хадгаламж банк: [www.savingsbank.mn](http://www.savingsbank.mn)

